



CHANSON AN AMOUROUSTED

Chilaouet, ma mignounet
 Chanson an amourousted
 A zo gant eur c'hernevad vit an deio composit.

Amourousted zo eur guer
 Hag a zo dous a tener
 Kaus he da vil nec'hamant hag ive da vil mizer

Pa vo an noz pe an de
 Daou zen yaouank a goste
 Kent ma c'houfeong doare he c'harivo ganthe.

Ar pot a goze brao
 Hag ar plac'h a deuz foa.
 Evit beza evurus mo fot nemet eun dra
 Amourousted a ra d'he
 Dimezi hep dale.

Pa vouint neve eureuget,
 Vad a ra d'he nem velet,
 Casi na ra met unan an ozac'h hag ar vreg.

Ken bras e ar garante
 Ha ken bras an amitie
 Neus an eil vit eguile hag en noz hag en de,
 He ra deze lavaret
 Pell zo cleymp beza dimeet.

Tudou youank, me ho ped,
 Memes tra divoallet,
 Liessoc'h zo dimezet vit a zo ezet.

Gwelet a meump a vejou
 Kalz a chanchamanchou,
 Er menajou e kaver beb sort ambarrassou.
 Pa zeu en tieguezou
 Kalz deuz a bouponou.

Unan a c'houlen crampoës
 Hag eun all galetez.
 Eun all zo en he gavel ho klask donet er mes.

Ar vreg zo dre an ti
 Vel pa ve etourdi,
 Na meus den evit klevet rezon vad ebet ganthi.
 Fachet e deus e fried
 Adieu d'an amourousted.

Tud yaouank, mar em c'hredet,
 Lakait eves, diouallet,
 C'houi an evurusan tud a zo voar ar bed.

C'houi za dre ar pardonioù
 Ha dre an assambleou,
 O tansal, o c'hebatal, o c'hevan takennou,
 Eun den yaouank, mar gue fur
 So parfet e blijadur.

Hag ar re zo dimezet
 An darn vuyan meus goelet
 A vanke eun dra benag dalc'hmad do evurusted.

Darn zo hag a laer ar yalc'h
 An darn all e ya war varc'h
 Re all a gar ar chopin, kent azvont me war walc'h
 Tud yaouank, mar dimeet
 Choaset tud fur ha parfet.

Pa hi Lerer en eun eured a beller ajouti

En eur dont da finissan
 Souhaiti ferm a ran
 Yec'het d'an daou zen neve, chans ha prosperite.

Me ho ped, kamaradet,
 Vit eur fars ne fachet ket :
 Permitted e badinal entre ar vignonnet.

Gras dimp da nem gavel c'hoas
 Joaus evel biskoas
 Ben an-den-ma pen eur bloa, ebars ar memes plas,
 Ho trinka gant ho goeren
 Da yec'het ar poupon.